

# Азблань

ВКП(б)-лэн УАССР-ысь Ярской Райкомеэзлэн но РИК-лэн органы.

Адрес: поселок Яр Уд.АССР  
Телефон № 43. Дуныз 5 коп.  
9-арзэ потэ.

## ВСЕСОЮЗНОЙ СЕЛЬСКОХОЗЯЙСТВЕННОЙ ВЫСТАВКА

### Социалистической сельской хозяйстволэсь азинскем'ёссэ учкон

Одйгетй августэ, кык часэ нуназе, Советской Союзлэн столицаз, Москваын, устьтиске Всесоюзной Сельскохозяйственной Выставка.

Выставкаез устьтоз Советской правительстволэн главаез Вячеслав Михайлович Молотов. Выставкаез устьтон нэ ётемын дас сюрс мурт трудящойёсты.

Всесоюзной Сельскохозяйственной Выставкаез устьтон — асьме страналэн улонз замечательной датаен луоз.

Всесоюзной Сельскохозяйственной Выставка, быдэс мирлы возматоз социализм-лэсь могущественной кужым-зэ, сельской хозяйстволэсь социалистической формаез, кудыз али дыре луэ асьме земледелилэн единственной формаеныз.

Выставкалэн 130 гектар быдча территорияз 52 павильон'ёс лэсьтэмын. Соос посетительёслы мачкозы Ленинлэн—Сталинлэн партиез-лэн кивалтэме-я гурт'ёсын чудесной вошкем'ёс сярсы, колхозной крестьянстволэн зажиточной но культурной улонзы сярсы.

Выставка ветлыса посетительёс адзозы ваньзэ, марбудэ асьмелэн прекрасной родинамылэн муз'ем вылаз, кезыт тундрансь жуйысен куткыса чайной куст'ёсын, южной фруктовой пуосын, бамбук'ёсын, хлопкоен но рисэн, быдэстыса. Посетительёс татын не только адзозы гинэ но и дышеткозы кызы полезной растениосты виль способ'ёсын будэтыны.

Выставка, странаысь самой передовой калык'ёслэсь лучшей опыт'ёссэс люказ. Выставкаын кажноез дышетскоз ужанлэн виль метод'ёсызлы, куд'ёсыз наукаен юн юнматэмын но практикаен строго эскеремын.

Советской Союзлэн сельской хозяйствоез мирын самой передовой, высокомеханизированной хозяйствоен луэ. Соин ик со высокотоварноен но луэ.

Азбвль „хлебородной“ Рос-

сийсь крестьяниа'ёс сютэк улылызы. Советской власть луыса, колхоз'ёсы огазеяськыса гинэ трудовой крестьянство адзиз югыт, счастливой, культурной улонэз. 1937 аре асьме странаы зерновой культураослэсь 7.340 миллион пуд нянь басьтыз. Та возматэ асьме сельской хозяйстволэсь азблань минэмзэ.

Виль урожайлэн сюрс'ёсын мастер'ёсыз, стахановец'ёс, животновод'ёс, тракторист'ёс, комбайнер'ёс, заслужить каризы бадзым честез, Всесоюзной Сельскохозяйственной Выставкаын участвовать карон правоез. Соин гордиться кариське асьмелэн странаы, Ленинлэн — Сталинлэн партиез, куд'ёсыз воспитать каризы колхозной трудлэсь геройёссэ но героиняосэ.

Асьме районьсь трудящой-ёс ог сю мурт выставкаез учкыны ветлозы. Выставкае ветлонэз заслужить каризы Яр МТС-ысь Барышников И. П., Трефилов Ф. П. комбайнер'ёс, Барышников Я. Ф. Тебеньков А. Н. тракторист'ёс, Кычино сельсоветысь „Красота“, „Дингурята“ колхоз'ёс. Озы ик Куйбышев лэн нимныз нима колхозысь свинофермалэн заведующоез Уткин И. М., „Восток“ колхозысь конюх Поздеев но мукет'ёсыз. Таослэн заслугаосы асьме район понна бадзым гордостен луэ. Но однако та туж ичи на. Асьме районьсь эшшо но троез трудящойёс выставкаын участвовать каронэз добиться кариськыны кулэ вал.

Али дыре партийной, советской но земельной организациослэн боевой задачаосы, колхозной гурт'ёсын эшшо но юнгес вёлмытоно социалистической соревнованиез, юрттоно колхозник'ёслы, колхозницаослы но сельской хозяйстволэн специалист'ёсызлы, стахановской радэ султуса 1940 арын заслужить карыны колхозной вормонлэн всенародной смотрелэсь почетной званизэ басьтыны.



Г. Балашевлэн рисунокез. (Крестьянка журналысь).

### СССР-лэн Совнаркомз но ВКП(б)-лэн ЦК-аяз

Всесоюзной Сельскохозяйственной выставкаез устьтон сярсысь

СССР-лэн Совнаркомез но ВКП(б)-лэн Центральной Комитетэз постановить каризы: 1. Всесоюзной Сельскохозяйственной выставкаез 1939 арын 1 августэ нуназе 2 часэ устьтоно.

2. Всесоюзной Сельскохозяйственной выставкаез устьтонэз поручить кароно СССР-лэн Совнаркомезлэн председателезлы В. М. Молотов эшлы.

3. Всесоюзной Сельскохозяйственной выставкаез устьтонэ 10 сюрс мурт пригласить кароно.

4. Всесоюзной Сельскохозяйственной выставка 1 август бере устьтэмын луыны кулэ выставкае ветлэсьёс понна чукна 8 часысен жыт 11 часозь, нош павильон'ёс—чукна 8 часысен жыт 10 ча-

созь. 5. Тупатано, что Всесоюзной Сельскохозяйственной выставкае пырон понна билет'ёс выставкалэн территория вылаз уз вузаскелэ. Всесоюзной Сельскохозяйственной выставкае пырыны понна Москва городын вузаськись билет'ёслэсь лыдзэс 10 сюрс штукаен органичить кароно, интыосысь командировать карем'ёсты лыдэ басьтытэк.

Моссоветэз но Главной Выставочной Комитетэз косоно Всесоюзной Сельскохозяйственной выставкае пырыны понна билет'ёсты Москва городлэн вань район'ёсысьтыз театр'ёслэн, парк'ёслэн но клуб'ёслэн кассаосазы вузаны. (Ваньзэ 40 пункт'ёсын вузано).

### Прогульщик

Никольской сельполэн председателез А. С. Веретенников ужан дыр'я кык нунал юса улиз. Юса улэменыз кык нунал ёз ужа, прогул лэсьтыз. Трудовой дисциплинаез нарушать карем понна прогульщик—пяница Веретенников ужысь кемалась поттэмын луыны кулэ ни вал, райпотребсоюз сое али но ужысьтыз ёз потты на, бурд улаз шобыртуса сое возе.

### КОЛХОЗ ЛУДЕСЫН

#### Зег араны кутскизы


29-тй июлысен „Диктатура пролетариата“ колхозысь ваньмыз бригадаос зег араны потызы.

28-тй июле, жытазе вазьмаз бригадаосын ю октонкалтон ужез жог но виль зечлыко быдэстон сярсысь вопросэн бригадой производственной совещаниеос ортчизы. Татын колхозник'ёслы умой-умой валэктэмын норма выработкаос сярсысь но. ВЕРЕТЕННИКОВ.

#### ЕТЙН ИШКОНЭС БЫДЭСТЫЗЫ

Бачумовской сельсоветысь Сталинлэн нимыныз нима колхоз етйн ишкон ужзэ быдэстыз. Етйн ишкытэк кылемын на семенной уастокёс вильсы гинэ. 90 гектар площадь вильсы етйнэз ишкыса колхозник'ёс но колхозницаос 3—4 нуналскын быдэстизы.

Етйн ишкон ужзэс озы ик быдэстизы ни Удино сельсоветысь „ОГПУ“ колхоз. БУТОРИН.



СУРЕД ВЫЛЫН: Колхозной автоматической гидроэлектростанция.

